



## ATUR MANGGALA

*Om Swastyastu.*

*Masrana antuk pangubakti manah, titiang puniki warga krama desa adat/ banjar adat Jempanang sareng sami sampun pada sumuyug samungkem turing gilik ingkup mang-dane ngardinin saha ngrajegang awig-awig desa adat ring Desa/Banjar adat Jempanangi.*

*Saantukan yaning sampun awig-awig desa adate puniki sami pada rajeg turkukuh, sinah nagara druene sane mawasta Republik Indonesia prasidarajeg tur kukuh riantukan Hukum Negara Republik Indonesia puniki wantah madasar antuk/saking Awig-awig desa pakraman.*

*Seosan ring punika, marupa malih maweweh-weweh garjita manah titiang sareng sami riantukan saking Pemerintah Daerah Kabupaten Badung taler mikedehin pisan mang-dane awig-awig desa adat puniki digelis kawentenang, samangdene jagat druene ngamanguhin karahajengan wiadin kajagadhitan sekala riskala.*

*Awig-awig desa adat puniki nganutin pisan pituah pituah saking Pemerintah karencanayang olih prajuru Desa Adat Jempanang lan pamisepuh-pamisepuh tur kasarengin antuk K K N Maha Siswa Institut Hindu Darma Denpasar warsa 1986, ring Desa Adat Jempanang.*

*Inggih sadurunge marupa puput atur titiang pinih unkur titiang ngaturang pangayu bagia suksmaning manah ring Pemerintah Kabupaten Badung taler atur suksmaring iida dane sareng sami mangda ledang ugi maweh panureksa saantukan awig - awig Desa Adat titiangpuniki banget kirang tuna luh.*

*Inggih asapunika puput atur titiang.*

*Om shantih shantih shanti Om.*

*Jempanang 17 Januari 2009*



## DAGING AWIG-AWIG

<i>Atur Manggala</i> .....	<i>i</i>
<i>Daging awig-awig</i> .....	<i>ii</i>
<i>Murdha citta</i> .....	<i>1</i>
<i>SARGA I ARAN LAN WEWIDANGAN SUBAK ABIAN</i> .....	<i>1</i>
<i>Palet 1 Aran Desa</i> .....	<i>1</i>
<i>Palet 2 Wewidangan</i> .....	<i>2</i>
<i>SARGA II PAMIKUKUH, PATITIS LAN UTSAHA</i> .....	<i>3</i>
<i>Palet 1 Pamikukuh</i> .....	<i>3</i>
<i>Palet 2 Patitis</i> .....	<i>3</i>
<i>Palet 3 Usaha</i> .....	<i>3</i>
<i>SARGA III SUKERTA TATA PAKRAMAN</i> .....	<i>4</i>
<i>Palet 1 Indik Krama</i> .....	<i>4</i>
<i>Palet 2 Indik Dulun Desa Adat</i> .....	<i>8</i>
<i>Palet 3 Indik Kulku</i> .....	<i>10</i>
<i>Palet 4 Paruman</i> .....	<i>11</i>
<i>Palet 5 Indik Druen Desa</i> .....	<i>12</i>
<i>Palet 6 Sukerta Pamitegep</i> .....	<i>13</i>
<i>SARGA IV: SUKERTA TATA AGAMA</i> .....	<i>20</i>
<i>Palet 1 Indik Dewa Yasnya</i> .....	<i>20</i>
<i>Palet 2 Indik Resi Yadnya</i> .....	<i>25</i>
<i>Palet 3 Indik Pitra yadnya</i> .....	<i>25</i>
<i>Palet 4 Indik Manusa Yadnya</i> .....	<i>30</i>
<i>palet 5 Indik Bhuta Yadnya</i> .....	<i>31</i>
<i>SARGA V : SUKERTA TATA PAWONGAN</i> .....	<i>16</i>

<i>Palet 1</i>	<i>Indik Pawiwahan.....</i>	<i>33</i>
<i>Palet 2</i>	<i>Indik Nyapian.....</i>	<i>36</i>
<i>Palet 3</i>	<i>Indik Sentana.....</i>	<i>38</i>
<i>Palet 4</i>	<i>Indik Warisan.....</i>	<i>40</i>
<i>SARGA VI: WICARA LAN PAMIDANDA.....</i>		<i>43</i>
<i>Palet 1</i>	<i>Indik Wicara.....</i>	<i>43</i>
<i>Palet 2</i>	<i>Indik Pamidanda.....</i>	<i>44</i>
<i>SARGA VII : NGUWAH-NGUWUHIN AWIG-AWIG.....</i>		<i>46</i>
<i>SARGA VIII: PAMUPUT AWIG-AWIG.....</i>		<i>47</i>

## MURDHA CITTA

*Om Swastyastu.*

*Malarapan saking panghyangning kalih pastuecan Ida Sang Hyang Widhi Wasa, asungwara nugrahe ngwentenang kauripan sekala niskala ring bhuhana agung lan bhuhana alit jangkep saha Tri Hita Karmanya ngastiti tata susila, tata krama, sane kabuatang ring desa adat, jagi kaanggen mikukuhin agama Hindu, nganut desa kala patra kadulurin antuk karaketan sajeroning krama desa adat minakadinnya tulung timulung sabhayantaka, gumanti ngamangguhang karahajengan miwah kerta raharja ring desa adat.*

*Awig-awig desa adat puniki karencanayang nganutin pisan pituduh miwahpituah Pamrintah inggih punika mawiwit saking Pancasila, Undang Undang Dasar 1945 lan hukum-hukum utawi Peraturan-peraturan sane sampun karajegang ring jagat druene puniki nistanipun mangda sampunang matungkas, turmaning awig-awig puniki sampun kalaksanayang saking nguni rauli kamaugkin kantun rajeg tur kukuh.*

*Titenin sinamian saking krama desa adat Jempanang mapidabdab ngardiawig-awig sane kamauggehang ring sawewengkon desa adat Jempanang sakadiring sor:*

### SARGA I

#### ARAN LAN WEWIDANGAN DESA

##### Palet 1

#### ARAN DESA



### **Pawos 1**

*Desa puniki ngaran Desa Adat Jempanang.*

### **Palet 2**

## **WEWIDANGAN DESA**

### **Pawos 2**

*Jebar kakuwib wewidangan mawates nyatur:*

*Ha. Sisih kaler : Wana Pucak Antapsai*

*Na. Sisih wetan : Tukad Bon.*

*ca. Sisih kidul : Tukad Bangkung .*

*ra. Sisih kulon : Tukad Sekarmukti*

### **Pawos 3.**

*Desa Adat puniki kawangun antuk 43 ayahan desa:*

*ha. : 23 ayahan desa ngarep.*

*na. : 1 ayahan desa asibak.*

*ca. : 19 ayahan rekasan ( ngampel).*

### **Pawos 4**

*Wewidangan Desa Adat Jempanang ngawengku wantah asiki banjar suka duka.*

## **SARGA II**

## **PAMIKUKUH, PATITIS LAN UTSAHA**

**Palet 1**

**PAMIKUKUH**

**Pawos 5**

*Desa Adat Jempanang ngamanggehang pamikukuh minakadi:*

- Pancasila.
- Undang Undang Dasar 1945.
- Tri Hita Karana saha pawongannya manut sadacara maagama Hindu.

**Palet 2.**

**PATITIS**

**Pawos 6**

*Desa Adat Jempanang wantah nyadia:*

1. *Ngrajegang miwah mikukuhin Agama Hindu majalaran antuk astiti bakti ring Ida Sang Hyang Widhi Wasa.*
2. *Ngutamayang kasukertaning nagara.*
3. *Ngrajegang kasukertaning desa adat saha pawongannya makasami sakala lawan niskala, kandugi ngamanggehang kajagadhitan, malarapan antuk silih asih.*

**Palet 3**

**UTSAHA**

**Pawos 7**

*Patitis puniki kalaksanayang majalaran antuk Tri Warga: Dharma, Artha, Kama.*

# SARGA III

## SUKERTA TATA PAKRAMAN

### Palet 1

## INDIK KRAMA

### Pawos 8

*Sane kabaos krama desa adat inggih punika:*

*kulawarga sane maagama hindu turin sampun mapikuren tur polih pah-pahan ( pedum ) karang kawis tegal muah sane ngamong karang desa, saha keni gilir An ddulun desa.*

### Pawos 9

*sios ring punika yadiastun tan pakarang kawis, nanging jumenek iriki ring desa Adat Jempanang taler paut ngranjing makrama banjar adat.*

### Pawos 10

*Krama Desa Adat Jempanang wenten kalih soroh luire:*

- 1. Krama ngarep ( Krama Desa ): Kulawarga sane polih pah-pahan karang kawis , pacatu tegal.*
- 2. Krama Banjar inggih punika: krama desa tur kasarengin antuk kulawarga sane polih karang kawis kemanten sahananing kulawarga sane gumana jenek ring sajeroning Desa Adat Jempanang.*
- 3. Krama banjar sane nenten polih karang kawis kabaos banjar Kamplengan.*
- 4. Yan wenten jadma dura desa utawi dura negara numbas tanah ring wewidangan desa*



*Adat Jempanang keni batu-batu lan panamiu marupa jinah manut pararem.*

5. *Yan wenten jadma dura desa lan dura negara nyakap tegal ring wewidangan Desa Adat Jempanang, taler wenten jadma dura desa utawi dura negara jumenek langkungan ring asasih keni jinah panamiu manut pararem.*

#### **Pawos 11**

*Kawit dados makrama desa:*

1. *Sangkaning ngamong karang utawi pacatu tegal.*
2. *Mawiwit saking pawiwahan.*
3. *Sampun gumana jenek ring sajeroning palemahan / banjar pakraman puniki.*

#### **Pawos 12**

*Panemayu tedun makrama desa:*

1. *Nyabran sangkepan tumpek saha majalaran antuk tengeran, saderenge arep ring krama sane ngamongin karang desa.*
2. *Nyantos tumpek mawiwit saking patuputing pawiwahan.*

#### **Pawos 13**

*Sahanan krama desa adat/ krama banjar adat sami keni tategenan (ayah-ayah) luire:*

1. *Ayah nyumek : mapiteges ayahan miwah urunan mamungkul saking krama ngarep.*
2. *Krama banjar keni ayahan/ urunan mamungkul ring Pura Dalem, Pura Mrajapati, Pura Malanting.*
3. *Rikalaning ngayah prade wenten sinalih tunggil krama sane matilar dereng*

*pupit karya tan wenten sadok keni pamidanda mamut pararem.*

#### **Pawos 14**

*Krama sane balu keni ayah-ayahlan lan papeson mamut balunipun.*

#### **Pawos 15**

*Sinalih tunggil krama sane nyerodang ayah wartah ring pianak sane kapatutang mamut paiguman kulawarga.*

#### **Pawos 16**

*Sinalih tunggil krama banjar adat pianak sane pinih duur sampun mapikuren, krama inucap dados nyerodang ayah, samaliha krama desa sane keni giliran duhun dapuh tan dados nyerodang ayah, duhud dapuh tetep mamargi.*

#### **Pawos 17**

*Krama desa adat kadadosang:*

- 1. Mapuangkid ri tatkala : sakit, mayadnya, mapaluasan/mapinunas.*
- 2. Ngampel ri tatkala: ngrereh karya ring dura desa/negara.*
- 3. Krama sane nenten naur pangampel sane sampun kasungkemin keni panikel.*

#### **Pawos 18**

*Krama desa adat nenten kadadosang:*

1. *Ngampel sane polih karang kawis utawi karang desa.*

#### Pawos 19

*Wusan makrama desa adat lan banjar adat:*

1. *Sangkaning pinunas ngraga manawi kesah kadura desa utawi ka dura negara.*
2. *Keni danda duaning sampun tan prasida ngesehin solah maprawerti satata nguwig kecaping awig-awig.*

#### Pawos 20

*Yaning wenten krama matilar saking desa Adat Jempanang sangkaning becik-becik walih mawali ka desa Adat Jempanang tan keni pananjung batu.*

#### Pawos 21

*Sang wusan makrama wiadin mapamit:*

- *Patut ngaturang ayahan ka desa adat*
- *Tan polih pah-pahan sangkaning padruwan desa/ pangunakayan desa / banjar ( guak ngalin taluh ngaranya).*

#### Palet 2

### **INDIK DULUN DESA ADAT**

#### Pawos 22

1. *Krama desa adat kaenterang antuk kelian desa adat muang panyade-panyadempane.*



2. *Krama banjar adat kaenterang antuk kelian banjar adat, miang panyadepanyadenmyane.*
3. *Adeg-adegan kelian maka kalih kadi kojarang ring ajeng malarapan antuk jawa watan/ pamilihan olih krama ring paruman kramane soang-soang satung gil 5 warsa, turin kalian sane wusan manut senger, wenang pinilih malih.*
4. *Gumanti kasidan ngadegang kelihan desa mangda sane mungguh krama desa.*
5. *Panyangga-panyangga desa adat / banjar adat ta'ler pateh kawentenang ja jawatan / pamilihan nyabran 5 warsa ring paruman kramane.*
6. *Wewilangan panyangga-panyangga manut akeh kedik manut kabuatan.*
7. *Mungguing jajaran linggih jurune kadi ring sor:*

*ha. Ring Desa Adat:*

1. *Kelian Desa Adat.*
2. *Patajuh.*
3. *Patengen.*
4. *Panyarikan.*
5. *Kasinoman / saya*
6. *Krama.*

*na. Ring Banjar Adat.*

1. *Kelian Banjar Adat.*
2. *Patajuh.*
3. *Panyarikan.*
4. *Patengen.*
5. *Kasinoman / saya.*
6. *Krama.*

8. *Kasinoman / saya nganut kawigunan saha magilir nyabran sasih.*
9. *Sajeroning ngenterung kasukertan niskala kelian desa / kelian banjar masikian kayun sareng pamangku kahyangan.*

### Pawos 23

1. *Swadarmaning kelian-desa adat/ banjar adat / kelian Dinas.*
  1. *Ngenterang palaksanaan sadaging awig-awig miwah pararem desa/ banjar*
  2. *Nuntun tur ngenterang krama rauhing warga desa ngupadi antuk patitis.*
  3. *Mawosin kalih niwakang pamutus arep ring wicara warga desa.*
  4. *Maka duta desa matemuang baos ring sapasira ugi.*
2. *Prade dudu-dudu iwang panglaksana keni pamidanda pateh ring kaiwangan*  
*Soang-soang krama saha kangkat kakaryanang manut pararem.*

### Pawos 24

*Patias utawi olih-olihan dulun desa.*

1. *Sakahuring para juru kelian desa / kelian banjar adat, pamangku patut*  
*Polih olih olihan.*
2. *Sakahuring para juru sakadi munggal kojaring ajeng, keni pakenan-kenan.*
3. *Prajuru, kanyangan lan pamaksan patut taler polih olih - olihan.*

### Pawos 25

1. *Dulun desa kagentosin riantukan :*
  1. *Seda.*
  2. *Bulu.*
  3. *Kanoroyang duaning iwang pamargi manawi nilar sasana.*
  4. *Nganoroyang utawi ngentosin dulun- dudu patut ring sajeroning paruman tur*  
*kaingkupin antuk krama desa.*

### **Pawos 26**

*Sang kaanggehang parajuru inggih punika krama desa sane sampun mapikuren saha nganutin ririg tegak desa ngarep..*

### **Palet 3**

## **INDIK KULUKUL**

### **Pawos 27**

*Kulkul pinaka srana desa utawi banjar maka cihna ring pasikian pakayun ritat kala suka duka.*

### **Pawos 28**

*Kulkul ring desa Adat Jempanang kawentenannya:*

1. *Kulkul Desc.*
2. *Kulkul Banjar.*
3. *Kulkul Sekaa-sekaa.*

### **Pawos 29**

*Tabuh tatepakan kulkul:*

1. *Kalih tuludan banban mapiteges tedun ngayah.*
2. *Tigang tuludan bulus maka cihna kapancubhaya.*
3. *Pangutangan.*
5. *Tigang klentungan maka cihna kapademan.*



### Pawos 30

1. *Kulkul desa tan wenang katepak yan tan sangkaning pituduh dulun desa sajawaning te ngeran kapancabhaya.*
2. *Sang nepak tan sangkaning pituduh dulun desa patut digelis atur supeksa maka buatan panepakan yan tan mangkana wenang sang mamurug kadanda manui pararem.*
3. *Sene siosan desa nepak kulkul ring desa adat Jempanang keni danda ni kel.*

### Palet 4

## INDIK PARUMAN

### Pawos 31

*Paruman / Sangkepan Desa Adat Jempanang wenten sakadi ring sor:*

1. *Paruman / sangkepan desa adat kawentenannya: nyabran Tumpek Kuningan lan Soma Ribek ring Pura Desa*
2. *Paruman banjar nyabran Saniscara Kaliwon (umpek).*
3. *Sangkepan napgata kala ( padgatakala) majalaran arah-arahan manut tetujon.*
4. *Sangkepan dudu-dudu kawentenang manut wiguna.*
5. *Sangkepan sekaa-sekaa manut pabuat.*
6. *Sangkepan krama istri nyabran rahina Buda Wage.*

### Pawos 32

*Paruman desa adat / banjar adat madudoman sakadi ring sor:*

1. *Prasida lumaksana risampun katedunin antuk sang patut ngamiletin, kemanggala antuk tengeran kulkul miwah mabusana nylempot saha tan kalugra makta ge*

*gawan utawi nyikep.*

2. *Tan maren ngarcana ring Ida Bhagawan Panyarikan maka serana Widhi Widana cane.*
3. *Tan kahugra ngawetuaken suara gora utawi biuta, yan hana mangkana keni pami-  
danda biya pacamil kadi dandaning ngumaminam ring saba.*
4. *Pamuput bebaos briuk sapanggul ( ingkup ) punika kamanggehang.*

### **Pawos 33**

*Prade paruman tan kaingkupin mangda dulun desa ngilikang bebaosan saha putusanya mang-  
da mangda kararemin antuk krama desa bilih tan prasida kasungkemin jantos ping tigadulun  
desa wenang nunas baos ring sang ngawarat.*

### **Pawos 34**

*Sajeroning paruman desa adal / banjar adat patut nyiarang pamargin ngenterang desa  
pamekas nganinin indik sakadi ring sor:*

- *Munjuk lungsuring pakraman saha ayah-ayah su'ur arta brana druén desa.*
- *Rencana dulu nganinin usaha desa kapungkur.*
- *Pamutus sangkepan / paruman sinanggeh pararem maka pamitegep palaksanaan awig-  
awig.*

### **Pawos 35**

1. *Sangkepan dulun desa kawenang wantah ngrincikang pangrencanautsaha desa  
kapungkur.*
2. *Sangkepan dulun desa tan kawenang ngumedaling tetegenan ring krama sudereng ka-  
ingkupin antuk krama desa.*

3. *Pamutus sangkepan dulun desa ngawetuang pasuara maka pidabdab pituduh sang ngawewenang utawi ngonekang pecak pararem krama desa.*

**Palet 5**

**INDIK DRUEN DESA**

**Pawos 36**

*Padruen Desa Adat Jempanang sakadi ring sor:*

1. *Kahyangan tiga.*
  - *Pura Puseh, Pura Desa/Baleagung, Pura Dalem.*
2. *Tios ring pumika taler Desa Adat Jempanang nyungkemin pura-pura minaka di:*
  - *Pura Mrajapoti.*
  - *Pura Pasiraman.*
  - *Pura Malanting.*
  - *Pura Banua.*
  - *Pura Pasekan.*
  - *Pura Taman Anyar.*
  - *Pura Beji.*
3. *Wantilan / Bale Banjcr.*
4. *Pawaregan.*
5. *Tanah Tega! Palaba pura akehnya kirang langkung 6 hetar.85 are.*
6. *Tanah Setra*
7. *Lelanguan:, gong, ilen-ilen ring pura, rejang, baris, gong bleganjur.*  
*lan salanturipun*
8. *L P D..*

**Pawos 37**

**AWIG-AWIG L P D DESA ADAT JEMPANANG**



1. *Indik Panyelangan ring L P D Desa Adat Jempanang:*

*ha. Nyelang tan ngangge wala asiki kuren manut sakadi pararem.*

*na. Nyelang ngangge wala polih ring L P D atenga saking*

*pangargan wala sane kadruayang utawi langkung.*

2. *linggihan sangsi-sangsi sane pacang kaping olih krama, Badan Pengawas,*

*Badan Pengurus pet prade sang nyelang linyok majeng L P D*

*desa adat Jempanang:*

*ha. Pet sang nyelang ping tiga neren nenten naur bunga utawi langkung ring*

*ping tiga jawat sadereng wiyadin sesampun waneng pacang keni danda*

*manut pararem.*

*na. Pet kantos ping nenem neren nenten naur utawi langkung mawastu kriditnyane*

*macet pacang kamargiang pangrampag barang utawi arta brana napi*

*ja sane kadruayang olih sang nyelang.*

*ca. Pet sang nyelang sane ngangge wala ring L P D kriditnyane*

*macet lan pangargan wala sane kaangge ring L P D kirang sa-*

*king utangnyane krama desa Adat Jempanang kasarengin Badan Pengu-*

*was lan Pengurus dados ngrampag barang tiosan sane kadruayang arta*

*brana sios sane kadruayang malarapan paruman desa adat.*

3. *Indik Badan Pengawas.*

*Sane dados Badan Pengawas ring L P D Desa Adat Jempanang*

*inggih punika Prajuru Adat ring Desa Adat Jempanang.*

4. *Prade silih sinunggil Pengurus L P D iwang migunayang wewenang*

*lan jabatan jantos ngawinang karugian majeng L P D Desa Adat Jempanang*

*Pengurus L P D inucap patut nanggung tur ngawaliang karu-*

*gian L P D Desa Adat Jempanang tur kawusang kadi patut an-*

*tuk krama.*

#### **Pawos 38**

1. *Dulun Desa Wenang ngetangang pamupun laba lan pamunggilanya druen desa.*
2. *Pikolih pamupun laba pura kaangge prabia piodalan saha wewangunan ring pura.*
3. *Nyabran sangkepan desa, duhu pangemong druen desa ngawentenang parindik mun juk lamsuring padruen ring desa.*
4. *Sakaluring druen desa patut ilikitayang tun kahgra ngadol utawi ngesahung padruen desa yan tan kasungkemin krama desa.*
5. *Sajeroning desa pangarep mangda ngalestariang cecatu ayahan wantah 2 hetar*

#### **Palet 6**

### **SUKERTA PAMITEGEP**

#### **Kaping 1**

### **KARANG TEGAL LAN CARIK**

#### **Pawos 39**

*Krama desa pangemong karang desa patut ngawatesin karang inucap antuk paguhan Turus utawi tembok mangda pakantunya asri.*

*Wates kaler miwah kanginkakaryanin antuk sang ngamong karang prade karasayang pagel-an/ turus inucap ngalikadin yan pada arsa panyandinge, kengin watese ngangge pinget kewanten kasaksi antuk dulun desa utawi pracihna mal saking agraria.*

#### **Pawos 40**

*Sinalih tunggil krama desa adat/ banjar adat tan kalugra:*

1. *Ngalah-alah margi, tegal paabianan, wiadin pakarangan.*
2. *Ngalah-alah tanah tegal, kahyangan, setra lan sakancamnyane sinanggeh suci.*

*Prade hana mangkana, sang ngalah-alah wenang ngawaliang tanah inucap saha keni*

*Upakara ring pangalah-alah tanah suci, saha pidanda manut pararem.*

## **Kaping 2**

# **PEPAYONAN**

## **Pawos 41**

1. *Ngawit nandur pepayonan tanem tuuh patut adepa agung ngajeroang saking wates prade jantos ngaliwat wates wenang kasapat gantungin.*
2. *Yening wenten tetanduran ngungkulin samaliha mawastu mayanin: kapisaga patut kawara antuk paigum ping ajeng, prasida sang nruenang wit ngrebah utawi notor.*
3. *Prade sampun kawara taler tan wenten usaha, sang nruenang rumasa katetehan / kajerihan wenang masadok ring dulu, tur risampun kaparitas kalugra ngicalang wit inucap sakewanten patin pepayone patut kataur manut pararem. keni danda sapangarga sane kateteh.*
4. *Sang keni pamidanda panyangaskara saha prabiu manut pararem arep ring pawangunan sang karubuhan luire:*
  - *Sang nruenang wit sinanggeh mayanin, prade pungkut ngarubuhin wewangunan krama tios ngentosin wewangunan sane keni apuputan.*
  - *Sang notor munggel utawi ngebah taru tur ngarubuhin krama tios ngentosin sane kateteh.*



### Kaping 3

## WEWANGUNAN

### Pawos 42

*Nyabran ngwangun patut:*

1. *Masadok ring dulu ping ajeng prade wewangunan nganinin wates.*
2. *Ngungge asta bhumi miwah gagulak asta kosala sanistane manut ring pati tis niskala.*
3. *tan nyayubin ka pisaga.*

### Pawos 43

*Prade wewangunan nyayubin bilih-bilih temboke ring telenging wates risampun kawara tur kasadokang ring dulu wenang wewangunan inucap kagubar.*

### Kaping 4

## WEWALUNGAN

### Pawos 44

1. *Sahanan krama desa/banjar adat sane mambara wewalungan ( hawi, risampun ma belas utawi banteng sane sampun masaluk tali) patut sayuga nitenin ne gul utawi nglogor mangda tan ngarusakin karang utawi paabianan krama sios bilih-bilih jantos ngranjingin tegak suci.*
2. *Prade wenten wewalungan mahambar utawi ngeleb ngarusakin pakarangan/paabianan krama sios, risampun kawara kengin kataban tur kadanda ngawaliang wit sane karusak saha naur panebus papiaran ttabatan manut pararem.*

3. *Prade jantos ngaletihin tegak suci, minakadi mrajan ( sanggah kamulan ), ri sampun kaparitas antuk dudu wenang sang nruenang kadanda mabuwu alit, pra yascita durmangala tur pradejantos ngaletihin kahyangan tiga utawi pamak sau.*
4. *Prade wenten wewalungan malumbar utawi ngeleb ngarusakin pakarangan/paabianankra ma tios, risampun kawara kengin kataban tur ngawaliang wit sane karusak saha naur panebus papiaran, tetabanan manut pararem.*

#### Kaping 5.

### BHAYA

#### Pawos 45

*Pariindikan bhaya luire: jiwa bhaya, arta bhaya ( kapandangan ), duracara ring Agama, sang ngamanggihin bhaya patut nepak kulkul mapituhing amut pawos 28 (2).*

#### Pawos 46

1. *Yan wenten wicara sane mayanin jiwa keni danda manut pararem.*
2. *Yan wenten wicara nyengkalen ngranayang sengkala keni pidanda manut pararem*
3. *Yan wenten nyengkalen jadma sios antuk nyagur keni pidanda manut pararem.*
4. *Yan wenten mayanin jantos medal rah keni pidanda manut pararem.*
5. *Yan wenten palaksana mayanin nyantos padem ring wewidangan Desa Adat Jempanang keni pidanda manut paprarem.*
6. *Pet prade malaksana mamunyah ring wewidangan Desa Adat Jempanang ngantos ngrusak wewangunan padruen umum wiadin padruen pribadi patut ngawaliang sane karusak tur keni pidanda manut pararem.*

#### **Pawos 47**

*Prade jadmamamisu utawi ngumanuman ring genah suci kakenanin pamidanda bia pacamil tebasan prayascita.*

#### **Pawos 48**

*Sang manggihin arta bhaya patut ngulkaul mapitulung anut pawos 28 (2) tur sang kamalingan atur supeksa ring dahun desa sane wenang nimbangin utawi nandanin kasukserah ring sang ngawa rati.*

#### **Pawos 49**

*Pratingkahe mapailen ring dusta kabaos seruran, prade wenten jadmamanggih-maling nyadokang ring dulu.*

#### **Pawos 50**

1. *Yan wenten jadmamangaling mangda ngawaliang brana sang madrue taler keni pamidanda manut pararem.*
2. *Yan wenten jadmamangaling ring genah umum keni pamidanda manut pararem.*

#### **Pawos 51**

*Yaning wenten jadmangranjingin pakubon wiadin pakarangan rikala suung mawastu sang madrue karang kaicalan, wenang jadmamucap katuekang.*



## Pawos 52

*Mangda tan katuekang amut pawos 49, asing-asing ngranjingin pakubon krama si os patut:*

1. *Matengeran suara ( makaukan ).*
2. *Nyantos sang nritenang karang rauh utawi masadok ring pangapit pinih tampek maka buatan pangranjinge.*
3. *Pamedal karangnya kadagingin sawen, maka cihna pangarah rikala suung.*

## Palet 6

# PANYANGGRAN BANJAR

## Pawos 53

*Krama desa / banjar rikala ngwentenang karya suka duka patut kasanggra antuk banjar:*

1. *Prade ngwangun pitra yadnya utawi manusa yadnya manut pinunas sang mayadnya.*
2. *Pangrombo utawi karya gotong - royong krama, panyanggran banjar amut-abot dangan karya.*

## SARGA IV

# SUKERTA TATA AGAMA

## Palet 1

# INDIK DEWA YADNYA

#### **Pawos 54**

*Palinggih panyiwian wewidangan Desa Adat Jempanang, inggih punika :*

1. *Kahyangan tiga.*

- *Pura Puseh, Pura Desa/Bale Agung, Pura Dalem.*

2. *Tiosan ring punika taler Desa Adat Jempanang nyungkemin pura-pura minakadi:*

- *Pura Mrajapati*

- *Pura Beji*

- *Pura Bukit*

- *Pasiraman*

- *Pura Tamian Anyar*

- *Pura Malanting*

- *Pura Pasekan.*

#### **Pawos 55**

*Desa Adat Jempanang taler nyungkemin pura pamaksan inggih punika : pura pucak Antapsai Bon.*

#### **Pawos 56**

*Rahina piodalan soang-soang kahyangan inucap sakadi ring sor :*

- *Piodalan ring pura puseh Buda Keliwon Paang.*

- *Piodalan ring Pura Desa / Bale Agung Anggara kasih Julungwangi.*

- *Piodalan ring Pura Dalem Buda Wage Warigadian.*

*liwon Paang.*

- *Piodalan ring Pura Mrajapati ring Buda Keliwon nuju Tilem / Buda Wage Wargadian.*

- *Piodalan ring Pura Bukit Purnama Kapat.lan Purnama Kadasa.*

- *Piodalan ring Pura Buda Wage Langkir.*

- Piodalan ring Pura Melanting Buda Wage Manail.

Pangaci ring pura inucap manut kecap sastra agama saha kalaksanayang nista ,madia  
Utama, manut kawentenan.

#### Pawos 57

Kawentenan pamangku ring Desa Adat Jempanang wantah 4 pemangku. Pamangku inu  
cap nyungkemin pura-pura sane wenten ring wewidangan Desa Adat Jempanang.

#### Pawos 58

1. Ngadegang pamangku nganut dulun dapuh.
2. Tan wenang angge pamangku luire kadi ring sor:
  - Ceda angga ( cacad).

#### Pawos 59

Prabia kapamangkuan:

1. Adksa Widhi kamedalang saha kalaksanayang antuk desa adat.
2. Prade wenten pamangku desa adat kalayusekaran patut kasungkemin olih  
krama desa adat, sanistane upakara mabebangkit siki saha eednyane
3. Prade mamargi pangalang sasih piodalan sang kalayusekaran wenang kasirepang.
4. Prade mamargi pangalang sasih ngwangun pura patut mamargi pakingsan di geni

#### Pawos 60.

Swadarmaning Pamangku:



1. *Ngenterang upacara piodalan ring kahyangan.*
2. *Ngenterang upacara ring suang-suang pakubon krama makarapan antuk pangoleman / pangolem.*
3. *Tan wenang salah sulub yan mamurug wenang mangku inucap nyepuhin raga.*
4. *Prade salah simunggil mangku kapiulangan utawi kacuntakan kengin nyelang mangku tiosan utawi nuur sulinggih.*
5. *Samaliha yan sampun pamangku ngayah ring pura kancit wenten kulawarganyane kapademan, mangku inucap keneng cuntaka wenang kabudalang nyantos pupat upacara pitra yadnya.*
6. *Patias utawi olih-olihan pamangku manut sakadi patias utawi olihan prajuru.*

#### **Pawos 61.**

*Pamangku kagentosin riantukan:*

1. *Seda.*
2. *Bahu*
3. *Kawusang antuk krama manawi malaksana sane nenten patut.*

#### **Pawos 62.**

*Tan kalugra ngranjing ka pura :*

1. *Ritakala katiben catur cuntaka:*
  - *Makadi sebel saking raga.*
  - *Sebel kandel: ngraja sewala, suemyane nyantos wusan mabersih.*
  - *Sebel madrebe putra, suemyane sane istri 42 rahina, sane lanang 12 rahina, putramnyane nyantos 105 lemeng.*

- *Sebel Pangantenan suennyane ngantos wusan ngaturang panebusan.*
- *Sebel sangkaning kapademan suennyane manut senger utawi asasih pitung*

*rahina*

2. *Makta barang sane sinanggeh leteh.*
3. *Sata ageng sajawaning pacang mapapada.*
4. *Mabusana sane nenten manut kadi tata cara ngranjing ka pura sadereng polih wak-wakan ( pituduh dulun desa ).*
5. *Jadma mobot tan wenten ngakuin.*

### **Pawos 63.**

*Pratingkahe sane tan wenang ring pura:*

1. *Masumpah ( sor ) sajawaning pituduh dulun desa.*
2. *Makebotan, masesenangan, nyolong semara / temt semara mabacin/mawarih, nyangsang busana, menenang pusungan ( saantukan runika ruat kala mjejaitan ngehung busung macongger lidinnya.*
3. *Nyecepin anak a'lit ring pura, menenang pusungan.*

### **Pawos 64.**

*Yan wenten jadma karauhan ring pura, kengin kapintonin, prade rumasa kasumbangsa yan, yan tan wiakti jadmi inucap katilarang saking genah suci.*

### **Pawos 65.**

*Prade kahyangan kahanan durmangala minakadi kapanca baya, pamangku patut digelis nyadokang ring dulu mangda marumang krama desa tur ngwentenang pamrayascita.*

**Palet 2.**

**INDIK RESI YADNYA**

**Pawos 66.**

*Sajawaning pamangku, sang pacang madeg pandita utawi pinandita minakadi balian sonteng, kebayan, dalang, sakaluring sane jagi ngenterang yadnya patut masadok ring kelian desa / banjar adat, kalih Parisada Hindu Darma.*

**Pawos 67.**

*Dulu-dulu patut ngawas nitenin tur naweng ngalangin prade kacihuan sasar kakecap miwah drestane, tur sareng nyaksinin upakara saha nyiarang peruman desa rauhing wates kawenangan pangenter yadnya.*

**Pawos 68.**

*Krama desa patt ngaturang ayah sapamadeg miwah ring pangelepas sang sulinggih riwekas katntun antuk dulu-dulu.*

**Palet 3.**

**INDIK PITRA YADNYA**

**Pawos 69.**

*Genah utawi ngeseng sawa amongan krama desa Adat Jempanang sane maagama*



*Hindu manut sahananing upacara upakaranipun kawastanin setra.*

#### **Pawos 70.**

*Pamargin pitra yudnya madudonan sakadi ring sor:*

*Pangupakaran sang kalayu sekar:*

- *Antuk mendem utawi ngeseng makacihna pakingsan ring Ibu Pertiwi utawi ring*

*Bhatara Brahma.*

- *Atiwa-tiwa ( upakara pangabenan / palebon ).*

#### **Pawos 71.**

*Swadarmaning lan tategengan prade wenten sinalih tunggil krama kalayu sekar:*

1. *Nyadokang ring kelian banjar tur minas tetimbang ring kawentenannya.*
2. *Ngaturin banjar ngrombo makarya eteh-ete tur maweweli sareng pangrombo ngate: ka setra*

#### **Pawos 72.**

*Rahina pamendeman utawi pangesengan sawa ring setra patut ngarsayang pamargi ring Benda-  
sa Adat lan sulinggih.*

#### **Pawos 73.**

*Layon sane majalaran salah pati, ulah pati dados kabakta budal.  
tur kaupakara, saha kapendem utawi kaaben sapatutipun.*

**Pawos 74.**

*Sajeroning desa rikala jaga mendem sawa lintangan ring adiri ring rahina tur  
Setra tunggal, patut sane nampekan setra mamargi dumunan.*

**Pawos 75.**

*Sajeroning desa rikala wenten mendem sawa miwah ngaben, ring rahina miwah  
Setra tunggal patut sane mapendem mamargi riinan.*

**Pawos 76.**

*Rare sane sadereng maketus gigi padem, patut kapendem pamangkin tan ngitungang  
dewasa.*

**Pawos 77.**

*Sapasira ugi tan kapatutang nginepang bangbang ring setra, bangbang sane tan durus maangge  
mendem sawa, patut kaupakara sapatutipun.*

**Pawos 78.**

*Asing-asing krama sane maagama Hindu padem patut kaahenang, ngaben kalaksana  
Yang olih sane maderbe sawa, utawi krama desa adat antuk pangeritan.*

**Pawos 79.**

*Asing-asing krama desa adat tan kapatutang mendem sawa utawi ngeseng sawa ring sajero*

ning paumahan, tegal lan carik ring sajabag desa Adat Jempanang.

### **Pawos 80.**

Swadarmaning desa / banjar adat ritatkala wenten sinalih tunggil krama kalayu sekar patut:

1. Kelian banjar maritatas pamargin sang kaduhkitan napike pacang kapendem, mangkingan riin utawi lantur kaabenang.
2. Prade kapendem raris kawenteng kulkul amut pawos 28 (5), antuk kelian Banjar / wakilnyane polih patus lan jenukan manut pararem.
3. Panyanggra I banjar salanturnyane prade sang kalayu sekar kapendem mabiangamedelang patus lan jenukan manut pararem.
4. Sang kalayu sekar durung kapendem krama banjar magebagan.
5. Sane nenten keni jemikan wiadin pateduran juru lan dulun dapuh, sane kulawarga siosan dados.
6. Ngrombo ngaryanin eteh-ete sawa saha kasarengin antuk krama sane rauh maaksian.
7. Sami krama banjar ngater ka setra nyantos pamendeman puput.
8. Kadadosang kalelet amut galah. paetangan kelian patus / banjar
9. Tan kalugra mambang miwah mendem rikala semut sadulur, kala gotongan Was panganten lan sapaminggilanya, lan p[arainan jagat.
11. Rikala wenten kalayu sekar, rikala piodalan kengin mendem tan masadok ring Kelian Banjar/Kelian Desa Adat lan mamargi pagebagan, pangapit panumbak, panyumbah.

### **Pawos 81.**



*Mungguing kacuntakan rikala wenten sinalih tunggil krama kalayu sekar ring sajabag Desa Adat Jempanang:*

- 1. Riwusan mapendem kacuntakan krama banjar adat Jempanang 3 rahina lan mamargi prayascita.*
- 2. Tan kengin mendem rikala ngadut manik lan sane dereng mapandes, prabia ngamedalang manik kaprabia antuk krama adat.*
- 3. Cuntaka pangabenan ngawit saking ngulkul krama banjar tedun ngayah jantos rahina pangutangan.*

#### **Pawos 82.**

*Tan keneng cuntaka luire:*

- Sang sulinggih lan mangku kahyangan, kemaon yan keluargan sira mangku kala yu sekar sang mangku keni cuntaka.*
- Rikala piodalan / pakaryan ring pura risampu ngalang sasih / ngalang tengah*

#### **Pawos 83.**

*Atiwa-tiwa ( pangabenan ) kalaksanayang antuk :*

- 1. Nyawa resi ( nyuwasta geni ) saantukan tan ngagah sawa tan kakeniang.*
- 2. Sawa prateka.*

#### **Pawos 84.**

*Panemaya pangabenan wenten kalih paos:*

- 1. Ngaben dadakan / bah bangun, kadadosang anut padewusan.*
- 2. Ngaben ngumasa, nenten dados lingkungan ring dasa warsa. Dudoman pangabenan ngawit*

*saking ngeplugin ( seda ) , ngeseng jantos pangiriman utawi nganyut.*

Palet 4.

## INDIK MANUSA YADNYA

Pawos 85.

*Manusa yadnya inggih punika upacara-upacara darmaning manusa, ngawit saking patemon kama petak lawan kama bang ring sajeroning garba nyantos kalayu sekar riwekas.*

Pawos 86.

*Upacara inucap madudonan sakadi ring so.:*

- *Magedong-gedongan.*
- *Duk sang kama reka medal.*
- *Kepus udel.*
- *Roras rahina.*
- *Tutug kambuhan ( 42, rahina ).*
- *nigang sasihin ( 3 sasih ).*
- *Pawetonan ( ehoetonn ) / 6 sasih.*
- *Tutug kelih ( ngraja sewala wadone, ngembakin lanang ).*
- *Matatah / mapandes.*
- *Pawiwahan.*
- *Mawinten.*

Pawos 87.

*Upacara inucap nista madia utama manut kecap sastra Agama saha cara dresta nga  
wenang sima cara Desa Adat Jempanang*

**Palet 5.**

## **INDIK BHUTA YADNYA**

**Pawos 88.**

*Bhuta yadnya inggih punika upacara pabiakala ring pertiwi lan kahyangan sarwa prani, saha upacara ring babhuta.*

**Pawos 89.**

*Upacara ring sarwa prani luire:*

*Ring sarwa tumuwuh rikala Tumpek Pangatag ( Saniscara Keliwon Wariga ).*

*Ring sarwa ingon-ingon rikala Tumpek Andang (Saniscara Keliwon Uye ).*

*Upacara pakala-kulan manusa yadnya manut wiguna kabaos pabiakala.*

**Pawos 90.**

*Upacara pabiakala ring pertiwi, kahyangan lan babhutan kawustatin macara.*

**Pawos 91.**

*Pacaruan inucap nista, madia, utama manut wiguna kadi ring sor:*

*- Eka sata.*

*- Tawur Agung.*



- *Panca sata.*

- *Resi gana.*

- *Panca sanak*

- *Panca kelud.*

#### **Pawos 92.**

*Sajeroning inucap ring pawos 91 taler kawentenang upacara :*

- *Maejot-ejotan utawi yadnya nyabran wusan ngrateng.*

- *Masapuh-sapuh rikala pacang wali ring pura.*

#### **Pawos 93.**

1. *Nangken ngawarsa rikalaning tilem kaenem kawentenang tawur kaenemtatujonipun ngupakara jagat sawewengkoning desa adat Jempanang..*

1. *Nangken ngawarsa rikalaning tilem kasanga kawentenang tawur kasanga ngawit pakiiisan, ngrupuk, tawur, makacihna mapag rahina panyepian.*

#### **Pawos 94.**

*Pabratan panyepian kamargiang scking semeng ngantos semeng, lan pangembak suaran kulkul.*

#### **Pawos 95.**

*Sang kecap baos 94 wenang kadanda mamut pararem desa / banjar adat kamargiang antuk patilik pacalang desa. Ri wus rahina panyepian ( benjangne ), maka pangawit warsa, patut suang-suang warga desa sami ngaksama.*

# SARGA V

## SUKERTA TATA PAWONGAN

Palet 1.

### INDIK PAWIWAHAN

Pawos 96.

*Pawiwahan inggih punika patemoning purusa pradana, malarapan panunggalan kayun suka citta kadulurin upasaksi sakala lawan niskala.*

Pawos 97.

*Palaksanaan pawiwahan luire:*

1. *Papadikan kamanggala antuk pakraman.*
2. *Ngarorod/marangkat riin wawu kakrimayang.*
3. *Nyeburin ( sane istri kamanggehang purusa ).*

Pawos 98.

*Pidabdab sang mawiwaha patut:*

1. *Sampun munggah daa truna ( prasida nganutin Undang-undang Perkawinan).*
2. *Sangkaning pada rena ( tan kapaksa ).*
3. *Nganuting kecaping Agama ( tan gamia gemana ).*
4. *Kaparisudhayang prade pangambile tiros agama ( sudhi widhani ).*

### **Pawos 99.**

*Pamargin pawiwahan taler mangda nganutin Undang-Undang Perkawinan saking sang ngawawenang*

### **Pawos 100.**

*Pawiwahan sane kapatutang ring Desa Adat Jempanang hiire:*

1. *Sampun kamargiang pabiakalan utawi pasakapan kasinaksiang sakala niskala antuk pandita utawi pinandita.*
2. *Wenten pasaksi dulu-dulu sane mapakelingang utawi ngilikitayang pawiwahan.*
3. *Patut ngawentenang parebuan, kelaci ring pura Desa kasaksiang olih krama banjar..*

### **Pawos 101.**

*Tata caraning parabian patut sakadi : sapasira ugi pacang mapawarangan sakulawar-ga patut masadok ring dulu-dulu, salanturnya dulu maritatas manut tan manut kakecap parabian.*

### **Pawos 102.**

*Pamargin pepadikan amut dudonan:*

1. *Pakurenan jantos ping tiga, saha suang-suang malarapan:*
  - *Kapertama antuk canang.*
  - *Kaping kalih antuk canang ring sajeng.*



- Kaping tiga antuk katipat bantal, kabaos pamuput pepadikan.

2. Risampun puput raris sang istri kaajak budal ring pakubon sang lanang sane kalandurang antuk pabiakala.
3. Mangda puput tumus sakala niskala, raris kulawarga purusa mangkat pajati ring Mrajan wadone.

#### **Pawos 103.**

*Prade ngrorod / mangkat patut sakadi ring sor:*

1. Reraman lanange ngwentenang pamilaku/ pajati antuk duta sakirangnya 2 ( kahlil ) diri.
2. Pagenahan antene tan kengin ring pakubon sang lanang saderenge mabiakala.

#### **Pawos 104.**

*Sajeroning pakubonan / panglukuan patut:*

1. Kamanggala antuk geng pangampura arep ring reraman wadone.
2. Kaigumang baos idih-kaidih / alegayang arep ring pasukan sang ngidih Saha dewasa pakrabkambianne riwekas.
3. Kacihnayang indik kapurusa utawi prade sentana rajeg, kajejerang kapatut ngidih anak lanang sane kabaos pawiwahan nyeburin tur risampun sulur Pamrasan kategepin kamanggehang sentana nyeburin.

#### **Pawos 105.**

*Palrabkambean mapiteges upacara tinas apadang (puput) mapikuren duaning manut kadi ring sor:*

1. *Sajeroning kabaos ambe, kalaksanayang ring sekala niskala antuk sarana jejauman muah pawidhi widhana:*
  - *Jejauman pinaka ambe / ngadungang kayun suang-suang pakulawarga Wadone.*
  - *Widhi widhana pinaka pajati niskala munas wadone ring pamrajan Kemulanya.*
2. *Sajawaning kabaos kerab palaksana ring sekala:*
  - *Antuk panyaksi krama banjar, duaning kakrabian antuk cihna pasadok krama.*
  - *Pamekas panyaksi dulu-dulu saha ngilikitayang.*

#### Palet 2.

### INDIK NYAPIAN

#### Pawos 106.

1. *Pawiwahan prasoida kakawisang malarapan antuk palas marabian utawi kapade man.*
2. *Wusan mapikuren riantukan sinalih tunggil seda mapiteges bahu, sakadi bahu lanang utawi istri.*
3. *Palas parabian wenten kalih pawos:*
  - *Sangkaning pada lila.*
  - *Miwah mawiwit wicara.*
4. *Sang ayat palas maparabian patut atur supeksa pailikita riin ring sang rumawos ( Pengadilan Negeri ), tinas apadang pamutus kabaos nyapian wawu dulu nyiarang kawentenan ring desa.*

#### Pawos 107.



*Tata cara palas parabian sangkaning pada lila paguna kayan sami polih pahan manut daging kaputusan sang rumawos (Pangadilan Negeri).*

#### **Pawos 108.**

*Prade riwekas sang palas marabiankasihan adung malih patut:*

*Ngalaksanayang pawiwahan malih.*

#### **Pawos 109.**

*Sang balu kabinayang dados :*

- 1. Balu luh wit sentana ( sentana rajeg ) miwah balu luh boyu sentana.*
- 2. Balu muani kapurusa ( wit sentana ) miwah balu muani nyeburin ( boyu Sentana.*

#### **Pawos 110.**

*Swadarmaning balu patut:*

- 1. Ngamanggehang pati brata tan kengin ngamargiang paradara/dratikrama.*
- 2. Ngwasayang waris, pagunakayan, tan dados adol, ngadeang, makidihang lan seosan punika, sajawaning kabebasan saking pianak utawi kulawarga sane pinih tampek saking kurenannyane, prade tan wenten dados saking pianaknya ne.*
- 3. Kengin ngidih sentana lanang/istri prade wenten pidabdab sadereng sinalih tunggil padem saha kaabsahang antuk kulawarga sinanggeh purusa.*
- 4. Kawonangang mawiwaha prade wenten kabebasan antuk kaping kalih ring ajeng.*



### Pawos 111.

*Balu kaucap tan pageh sakadi ring sor:*

1. *Drati krama utawi paradara.*
2. *Matilar saking pakubon tan masadok jantos 6 sasih.*
3. *Lempas ring swadarmaning seos-seosan tan prasida ngehehin solah mapra-werti arep ring pituduh warga purusa.*

### Palet 3.

## INDIK SENTANA

### Pawos 112.

1. *Sentana wenten kalih pawos : Sane kabaos preti sentana miwah sentana Paperasan.*
2. *Preti sentana inggih punika : Sentana sane metu saking pawiwahan kapatut:*
3. *Prade pawiwahan tan patut ngawetuang sentana, mangda tan kantun kawastanin panak babinjat utawi astra yogia, patut kamanggala antuk panyangaskara.*
4. *Pradene pawiwahan tan ngawetuang sentana kengin ngidih sentana antuk upasaksi seka la niskala sane kabaos sentana paperasan.*

### Pawos 113.

1. *Ngangkat sentana anut dudonan patut maka cihna artabrana paperasan saha kasinaksiang sekala niskala.*
2. *uṛāpasira ugi krama pacang ngangkat sentana patut masadok ring kelian desa*

*utawi banjar adat sanistane asasih sadereng pamerasan.*

3. *Kelian desa adat utawi banjar adat nyiarang ring pawidangan desa, sapa si ra ugi rumasa tan lila mangda nyadokang masengker 2 ( kalih) wuku sadereng pamerasan ring kelian desa adat utawi banjar adat.*
4. *Dulun desa digelis maosin saha ngicenin pamutus nepek ring catur dresta miwah pararem.*
5. *Prade paperasan tan manut kadi kecape ring ajeng, dulun desa wenang ngandeg sang pacang mmakarya, saha ngicenin panuntun mangda kapuputang riin bebaos sulur utawi wicaranya.*

#### **Pawos 114.**

*Paperasan sane patut ring desa Adat Seakarmukti ri sampun maka cihra:*

1. *Widhi widhana paperasan.*
2. *Kasaksinin antuk dulun desa sane makelingang utawi ngilikitayang.*
3. *Kakesiarang ring wewidangan desa adate.*
4. *Sira wenten keesahan anak angkat mangda rauh ring pangadilan.*

#### **Pawos 115.**

*Sane kapatut angge senana sakadi:*

1. *Jadma maagama Hindu.*
2. *Papernahan nedunang saking sang meras.*
3. *Kulawarga saking purusa, prade tan wenten kengin saking pradana yaning taler tan wenten wawu kengin sekama-kama( saking kayun ).*
4. *Kengin ngangkat sentana langkungan ring adiri, lanang wiadin istri.*

Palet 4.

## INDIK WARISAN

Pawos 116.

*Warisan inggih punika: tetamian arta brana saha ayah-ayah an ngupadi sukertan se kala niskala saking leluhuranya arep ring turunananya.*

Pawos 117.

*Kang sinanggeh warisan luire:*

1. *Due tengah minakadi : tegal, kahyangan, pasuka cita karena, lan sa-panunggilanya.*
2. *Pamrajan Kemulan.*
3. *Pagunakayan , tetatadan / jiwa dana, utang piutang.*

Pawos 118.

*Wawu kengin kabaos waris luire:*

1. *Sang mapiturun ( pawaris ).*
2. *Katurunan ( pawaris ).*
3. *Arta brana miwah tetegenan ( ayah-ayah an ), maka cihna warisan.*

Pawos 119.

*Ahli waris luire:*

1. *Preti sentana purusa.*



2. *Preti sentana ( sentana rajeg ).*
3. *Sentana paperasan lanang / wadon.*

#### **Pawos 120.**

*Prade tan wenten sakadi pawos 119 kang sinanggeh ahli waris :*

1. *Turunan purusa prenah ngunggahang, makadi rerama misan mindon.*
2. *Turunanpurusa prenah kasamping makadi kaponakan misan pmindon.*

#### **Pawos 121.**

*Pet prade tan wenten sakadi pawos 119 lan 120 ayahan cecatu kaambil antuk desa.*

#### **Pawos 122.**

*Swadarmaning ahli waris:*

1. *Nrima saha ngutsahayang tetamian pahon saking leluhurnya, makadi:  
ngrempon sanggah, pura saha pangupakaranya miwah nyelediin ayah-ayah-  
an pawaris.*
2. *Ngabenang pawaris saha ngalanturang upacara-upacara pitra.*
3. *Naurin utang-utang pawaris sane mamut panglokika sekala niskala.*

#### **Pawos 123.**

*Pangepahan waris mamut sakadi ring sor:*

1. *Risampun kalaksanayang utang piutang lan pitra yadnya tuntas kataur.*
2. *Para ahli polih pahan pada, sangkaning paguna kaya, sajawaning karang / tegal ayahan desa kaemong antuk ahli waris kasinanggeh krama ngarep utawi batan paa.*
3. *Sinalih tunggil ahli waris kengin tan polih pahan prade:*
  - *Nilar sesana.*
  - Alpaka guru rupaka.*
  - *Sentana rajeg, kesah mawiwaha utawi pretisentana nyebur in suang-suang sinanggeh ninggal kraton.*
4. *Pawaris kengin maweweh rikala maurip, pianak jiwadana tetatadan/ pabekel maka cilma maweweh tetep ring pianak sane kesah mawiwaha.*

#### **Pawos 124.**

*Boya ahli waris kengin muponin asil ( ngecap asil ) mamut dudonan luire:*

1. *Sentana luh sadurung kesah mawiwaha utawi alpaka guru rupaka miwah prade madrebe pianak tan kaangkenin antuk wong tuwa rare inucap, kengin ngwaris wantah pikolih, pagunakayan sentana luh kewanten.*
2. *Balu luh wiadin muani nyeburin soang - soang boyu sentana.*
3. *Mulih daa truna riantukan ring pawiwahan pecak kabaos ninggal kraton.*

#### **Pawos 125.**

*Prade sajeroning kulawarga wenten ahli waris langkungan ring adiri patut sakdi ring sor:*

1. *Kawentenang paigum indik waris inucap.*
2. *Yan tan prasida, katunasang tatimbang ring dudu-dudu ( kerta desa).*

3. *Prade tan wenten cumpu ring panepas kerta desa kengin katunasang ring sang ruma  
wos ( Pengadilan Negeri ).*

4. *Prude jantos karang desa kaepah utawi kasepilih patut sinalih tunggil nedun-  
nin makrama desa marep.*

**Pawos 126.**

*Prade karang imucap kapuntungan patut dulu-dulu nibakang ring:*

1. *Sang sinanggeh ahli waris amut pawos 119 lan pawos 120.*

2. *Sang kengin anggen sentana amut pawos 114 lan pawos 115.*

## **SARGA VI**

### **WICARA LAN PAMIDANDA**

**Palet 1.**

#### **INDIK WICARA**

**Pawos 127.**

1. *Sang wenang mawosin makadi mutusang wicara ring desa adat sinanggeh Kerta  
Desa / Banjar Adat.*

2. *Prade sang mawicara tan wenten cumpu ring pamutus Kerta Desa kengin nunasang wica-  
ra imucap ring sang rumaos ( Pengadilan Negeri ).*

3. *Prade wenten krama maputra huncing (manak salah) utawi salah timpal kasineng  
guh kabrebehan jagut, pamargi upakara kasungkemin antuk krama banjar  
adat.*



4. *Prade wenten krama maagama sios, makrama adat ring Jempanang kadadosang mapendem ring setra yan sampun nganutin dresta, sima adat iriki.*

**Pawos 128.**

1. *Sahana wicara mawiwit kacorahan saha luire sinanggeh mungkasin daging awig-awig, pasuara miwah parurem desa / banjar, dulu patut digelis mawosin tan nyantos pasadok.*
2. *Sajawaning wicara kadi ring ajeng patut nyantos pasadok sang minas bawos.*
3. *Panepase patut pastika ngwentenang iwang patut, malarapan antuk Tri Prematta ( Saksi, Ilikita, Bukti ), miwah tan maren nepek ring catur dresta.*

**Palet 2.**

**INDIK FAMIDANDA**

**Pawos 129.**

*Desa utawi banjar wenang nibakang pamidanda ring warga desa sane sisip, puniwak inucap kalaksanayang olih kelian desa / kelian banjar.*

**Pawos 130.**

*Cacakan pamidanda luire:*

*Ayah-ayahan panurunan kasisipan, danda arta ( dosa danda saha panikel-panikel lan, urunan ), rerampagan, kadanda karang ayahanya, kasepekang, panyangaskara.*

### **Pawos 131.**

*Pamidanda sane katiwakang patut masor singgih manut ring kasisipan, tur jinah utawi arta bruna pamidanda ngranjing dados druen desa / banjar.*

### **Pawos 132.**

1. *Krama sane langkungan ring tengah wengi naur urunanwenang keni panikel.*

*3 rahina keni pamepel ( nikel gulung ), langkungan ring 12 rahina kamargiang pangrampag.*

2. *Rerampagan ngangge tatacara sakadi ring sor:*

- *Kalaksanayang antuk dulu tur kasarengin antuk krama tigang diri maka saksi.*

- *Sang ngrampag sangkaning darsana ngambil barang utawi nyawenin tanem tuuh.*

*Akehnya manut ring utang sane karampag.*

- *Dulu miteketang mangda barang-barang sane karampag digelis katobus masengker*

*awuku, ring kutus rahinane karanjingang dados druen desa.*

- *Barung sane dados karampag luire : ingon -ingon suku kalih,*

*ingon-ingon suku patpat, entik - entikan , pepayonan,*

*sawah, tegalan, sajawaning prubot - prubot sane kuangge*

*ngrereh pangupajiwa, asapunika taler barang sane kainggilang A-*

*gama Hindu tan wenang karampag.*

### **Pawos 133.**

*Prade sang krampag ngawara ( ngalangin ) palaksana inucap mawastu sampun tan nga-*

*mutin awig-awig desa Adat Jempanang wenang karung desa sane kagenahin kaduut*



*antuk desane. Tan polih pasayuban sakaluir saking desa adat maka miwah banjar dusun, wiadin tan polih likita - likita sane kabuatang saking banjar/dusun/desa.*

**Pawos 134.**

*Samaliha yan purun taler ngalangin palaksana kadi pawos 130 tan wenten pamargi malih sajawaning kasepekang antuk krama desane.*

**Pawos 135.**

*Pamidanda inucap pawos 133 lan pawos 134 keni buntas ri sampun sang kakenanin:*

- 1. Nunas geng sinampura ring krama desa ri antukan nguak pasubayan (pararem) pecak.*
- 2. Naur pangargan panguak pasubayane duk pacang karampag, kadulurin antuk prayascita pinaka panyaksi kaiwangannya ring desa.*

**SARGA VII**

**NGUWAH-NGUWUHIN AWIG-AWIG**

**Pawos 136.**

*Awig-awig Desa Adat Jempanang wenang kawah-wuhinsesampune kararemin antuk krama desa / banjar adat, tur awig-awig puniki kalaksanayang ngawit kaingkuhin ( kararemin ).*

**Pawos 137.**



1. Sakaluire sane wenten saderenge jagi kalaksanayang patut kaamutang ring sadaging awig-awig puniki.
2. Sakaluire sane dereng kabawos ring sajeroning awig-awig puniki patut kalaksanayang manut tatacara sane sampun keta; mamargi saking ngiti rawuh ka mangkin kadulurin antuk pararem-pararem.



## SARGA VIII

### PAMUPUT AWIG-AWIG

**Pawos 138.**

Awig-awig puniki kararemin tur kasurat duk rahina Saniscara Kelion Landep, panglong ping 7 sasih Kapitu Isaka warsa 1930 tanggal masehi 17 Januari 2009 ring Bale Banjar Desa Adat Jempanang.

Awig-awig puniki presida kasurat mawiwit saking putusing paseban krama desa adat Jempanang pinaka awig-awig desa adat, maka sepat siku - siku pameneh, wastu kasidan prayojanan mami kabeh prasama angidep muah amagehaken linging Awig-awig puniki.

### PUPUT

*Om Shantih Shantih Shantih Om.*

Luir sang ngalingga tanganin: Kelian Desa Adat Jempanang, Kelian Banjar Adat Jempanang, Kelian Dinas sawewengkon Desa Adat Jempanang.

1. Kelian Desa Adat



2. Kelian Banjar Adat



3. Kelian Dinas/Dusun



4. Perbekel Desa





មីនីស្ត្រី សមាជិក  
MENGETAHUI CAMAT PETANG



*Handwritten signature of Inyoman Suardana*

ហ៊ី ណាយមាណា ស្វីយ៉ូម៉ាណា ស្វារដាណា ស.ស.ម.ម.  
INYOMAN SUARDANA, S.Sos,MM.

នីប៊ី ០១០២៤៤២១២  
NIP. 010244212

មាតា ម៉ុក្ខ បមិក្ខុក្ខុ  
MAKA MURDHA PAMIKUKUH

ប្រធាន កង្កី

BUPATI BADUNG



*Handwritten signature of Anak Agung Gde Agung*

អាកាង្គុ ក្នុង អក្ខុ កង្កី ហ៊ី  
ANAK AGUNG GDE AGUNG, S.H.